

吉林司法官報

宣統辛亥年
第七期

宣統辛亥年七月

吉林司法官報

第七期

吉林司法官報局編輯

吉林司法官報辛亥年第七期目錄

諭旨 三道
章奏

一館部院

掌福建道監察御史麥秩嚴奏司法警察關係重要請飭認真整頓摺 宗人府奏遵章酌改宗室覺羅律例摺 又奏宗室覺羅充當陸軍應依

陸軍軍法審判片

法部奏酌擬各省提法司屬官獎勵辦法摺 法部奏編定

京外各級審判檢察廳辦事章程擬請頒行摺

內閣學部法部會奏 廷試法

政科各生改就法官辦法摺

法部會奏遵議發遣官犯改發巴藏章程摺 法

部奏直隸提法司署經費請援案酌予加成片

湖南巡撫楊奏擬訂各級審

二外省

貴州巡撫龐奏各級審判廳一律開庭摺 熱河都統誠奏建築熱河模範監獄並

判檢察等廳暫行章程規則請立案摺

熱河都統誠奏建築熱河模範監獄並

估修情形摺

安徽巡撫朱奏援照鄂蜀懲辦會匪土匪奏定章程暫行辦理以

保治安而戢亂萌片

安徽巡撫朱奏省城模範監獄成立日期摺

三本省

撫院陳奏審檢各廳獄被災請將提法使吳燾等議處片

公牘

一館部院 法部通行各省將司法收入各費切實整頓文 法部咨巡警學生礙

一館部院

法部通行各省將司法收入各費切實整頓文 法部咨巡警學生礙

難准考法官通行轉飭查照文

法部筭覆吉林提法使電詢吉省火災時守法

未動各犯辦法文

法部筭覆吉林提法使電詢吉省火災時守法

二外省

東三省總督趙通飭奉天各屬嚴禁自治會違章妄爲文 東三省總督

趙札奉天民政司爲嚴禁自治會擅罰烟犯文

江蘇高等審判廳申請通飭行

趙札奉天民政司爲嚴禁自治會擅罰烟犯文

江蘇高等審判廳申請通飭行

趙札奉天民政司爲嚴禁自治會擅罰烟犯文

江蘇高等審判廳申請通飭行

政衙門一體協助進行文 直隸新河縣稟教練所續開二班並添習司法警察

文 三本省 提法司詳爲新城府地方初級審檢各廳提前成立請奏咨立案文 提
法司咨度支司請領臨時法官養成所並監獄專修科開辦經費銀兩文

批詞

一 公署一則 二 司署一則 三 各廳一則

判詞

一 民事二則

法制

法部奏定京外各級審判廳及檢察廳辦事章程 新刑律總則集解（續第六期未完）

譯叢

日本司法省議類典（續第六期未完）

雜誌

和姦不爲罪考 法院編制法述義（未完） 考察各國司法制度報告書（未完）

附刊

法部奏定直省 審判 檢察 廳法官及書記繙譯各官暫定俸薪數目表第九

諭旨

五月初二日內閣奉

上諭甘肅新疆鎮迪道員缺著楊增新調補並加提法使銜欽此

初三日欽奉

諭旨給事中石長信片奏法律學堂乙班畢業請查照甲班成案量予變通等語著該部知道欽此

初十日欽奉

諭旨陳善同片奏各省省城商埠新設之審判檢察等廳遇事衝突受訴互相推諉請飭各省督撫嚴督提法使嚴切考核妥擬章程等語所奏不爲無見著法部按照所陳各節認真整頓妥慎籌議具奏欽此

章奏

一館部院

掌福建道監察御史麥秩嚴奏司法警察關係重要請

飭認真整頓摺

奏爲司法警察關係重要請

飭認真整頓以鞏法權而維憲政恭摺仰祈

聖鑒

事竊維司法職重審判爲人民生命財產所關而當國際競爭之時尤爲撤去領事裁判權之預備外交內政關係誠匪輕矣然欲使審判收完全之效果必先警察盡執行之職務誠以警察者一面爲維持治安之主要機關一面又爲維持司法補助機關故也邇者國家修訂法律力謀司法獨立所有各級審判廳均令遵照籌備事宜清單限期成立復於法院編制法中明定各檢察官得調度司法警察又於審判章程中明定以司法警察爲檢察官補助機關之一而司法警察章程又以逮捕人犯搜查證據護送人犯取保傳人檢驗屍傷接收刑事呈詞爲司法警察主要之職務煌煌法典亦既公布而施行之矣凡屬辦理警務人員當實力奉行仰副 朝廷慎重司法之至意乃以臣所聞近日

各處警察多未如期舉辦其舉辦者亦多以舊時營勇改充精神形式兩無所存將來各級審判廳成立後以之爲審判廳中檢察廳之補助機關道德智識之程度與現時叢弊之差役相去幾何其不能保審判之威信保新律之進行可斷言矣夫遺流以下人犯承審概免刑訊此今日之善政也乃遇有疑難案件往往以警察毫無偵探不能搜出憑證以得其實情於是兩造逞刁無從定讞彼時問官棘手遂有以刑逼從事者其貽害誠非淺鮮故臣以爲今日欲改良審判非警察得力不可應請 明降諭旨飭下民政部及各省督撫立將各處警察切實整頓務使檢察收補助之力審判成獨立之功實於司法前途多所裨益臣爲鞏法權以維憲政起見是否有當伏乞 皇上聖鑒訓示謹 奏
宣統三年二月二十五日奉 旨（已錄）

宗人府奏遵章酌改宗室覺羅律例摺

奏爲遵照新章酌改宗室覺羅律例謹繕清單進 呈請 旨欽定恭摺仰祈 聖

鑒事宣統二年十月初八日臣衙門具奏修訂宗室覺羅律例一摺奉 旨依議欽此

欽遵在案竊查宗室覺羅訴訟辦法其限制有視旗民加嚴者如犯案到官不問是否無干俱先摘頂跪審告訐有案但係事不干已即照違制重科至於詐贓入手有實行發遣之條狡辯不承有先行板責之例凡此皆法令章程之所無自應酌量刪改俾昭簡易臣等遵即督飭該提調纂修等上稽我朝舊制旁採各項法規謹將有關宗室覺羅案件各辦法酌改十條凡向例於宗室覺羅限制獨嚴者概從刪節其應量爲變通者略加修改俾與現行刑律不相牴觸以歸劃一而免參差謹繕清單恭呈御覽如蒙俞允即由臣等通咨各衙門一體欽遵其餘另行酌擬者容臣等再行奏明辦理所有酌改宗室覺羅律例緣由理合恭摺具陳伏乞皇上聖鑒謹奏宣統三年三月十四日奉旨依議欽此（律例另登）

又奏宗室覺羅充當陸軍應依陸軍軍法審判片

再查宣統二年九月二十日陸軍部具奏酌擬陸軍審判試辦章程一摺奉旨依議欽此欽遵在案查宗室覺羅充當陸軍軍人軍屬者日漸增多若有犯陸軍各項法規章

程自應依陸軍軍法會審審判不必另訂專章以歸一律但一經犯罪應由陸軍部知照臣衙門以備查核謹附片具陳伏乞 聖鑒訓示謹 奏宣統三年三月十四日奉

旨依議欽此

法部奏酌擬各省提法司屬官獎勵辦法摺

奏爲酌擬各省提法司衙門屬官人員獎勵辦法恭摺仰祈

聖鑒事宣統元年十月

憲政編查館奏考核提法使官制摺內稱提法司屬官暫不作爲實官而定爲實職又考用提法司屬官章程內開科長科員奏補後仍留原官原銜每屆三年由提法使查驗各該員辦事成績出具切實考語詳請督撫咨達法部奏請分別升黜各等語欽奉 諭

旨依議欽遵在案竊維提法司衙門屬官分掌各科責任繁重事原創始端資經營締造之才期以方來亦負蕭規曹隨之責又况必經考試登進之資格綦嚴果其著有微勞報最之升途宜定現在各省提法司衙門屬官分科辦事迭據奏報有案將來期限屆滿其辦事勤勞確有成績者自應分別酌予獎叙惟如何獎叙之處向無明文規定若不預定

劃一辦法不足以資鼓勵而便遵守查上年七月學部奏酌擬學務公所人員獎勵辦法一摺內稱其有實心任事屆滿三年有職人員准其按照尋常保舉加銜無職人員參酌定章咨明吏部給予六七品職銜如供職又至五年之久不論有無官職一律均照異常勞績請獎至三年屆滿未經按照尋常請獎者至五年屆滿時亦准一律按照異常辦理各等語奉 旨依議欽此歷經遵照辦理臣等公同商酌所有提法司屬官獎勵辦法擬卽援照學部奏定學務公所人員獎勵成案一律照辦如蒙 俞允卽當遵奉施行

除奉天一省開辦在先應咨令另案辦理外嗣後各省提法司衙門屬官統俟奏補後屆滿三年由提法使查驗辦事成績出具切實考語詳請督撫咨達臣部果係始終勤奮成績卓著卽由臣部查照此次奏案分別給予獎勵以昭激勸而示限制所有酌擬各省提法司屬官獎勵辦法緣由謹恭摺具陳伏乞 皇上聖鑒謹 奏宣統三年四月初七

日奉 旨依議欽此

法部奏編定京外各級審判檢察廳辦事章程擬請頒行摺

奏爲編定京外各級審判檢察廳辦事章程擬請頒行以資援用而昭畫一謹繕清單恭摺仰祈 聖鑒事查法院編制法第四十七條第九十六條分載高等以下各審判廳

總檢察廳以下各檢察廳辦事章程由法部奏定通行等語臣部本年二月奏定籌備事宜清單聲明應於本年頒布各級審判檢察廳辦事章程先後各蒙 俞允欽遵在案

竊維立法事項屬於法院者大別凡三一規定審檢各廳之組織及其權限由法院編制法主之一規定審檢各廳訴訟之手續由民刑訴訟法主之至於司法行政期歸統一則又必有一種規則可循其規則專以明定事務標準爲宗旨即辦事章程是也方司法改制之初編制法遲而始成訴訟法久猶未定僅有臣部奏定各級審判廳試辦章程通行各省而又略舉大綱不賅細目是以各省所擬辦事規則節據咨部覈查只能據編制法及試辦章程爲定而以訴訟律未頒之故往往取材外邦法制其所爲規則乃不啻以彼之構成訴訟兩法合構而成入彼出此混無界限故文成已傷繁賾而義例終嫌齟齬爲取便一時計又不得不過而存之固其勢然也現在各省法庭次第開辦法律館所編民

刑訴訟兩律業於上年奏交憲政編查館覈議此後司法者不患無所遵循即應將辦事章程及時編定頒行以昭法守茲謹擬爲十三節都五十八條凡已爲編制法所定及應爲訴訟律並其他章程所有者概不闕入而爲本章程不甚詳備者另以專章補助之尙容陸續編定謹繕具清單恭呈 御覽伏候 命下即由臣部通咨各省遵行以歸

畫一所有編訂京外各級審判檢察廳辦事章程各緣由理合恭摺具陳伏乞 皇上

聖鑒謹 奏宣統三年四月二十一日奉 旨依議欽此（章程另登）

內閣學部法部會奏 廷試法政科各生改就法官辦法摺

奏爲酌擬 廷試法政科各生改就法官辦法恭摺會陳仰祈 聖鑒事竊查憲政編

查館奏准法院編制法內聲明凡習法政科之游學畢業生經學部考試合格奏請給有舉人進士出身者皆可免第一次考試是習法政科之游學畢業生但應學部考試合格即可免第一次考試其已應 廷試之游學畢業生如願改就法官應如何辦理原章中未經規定惟查京師法律學堂甲班畢業學生曾經法部議准改就法官者併免第二次

考試此項游學畢業生所學各科成績比之京師法律學堂甲班學生固有過無不及且於學部考試之後又應 廷試一次該生等改就法官若令併免第二次考試與法院編制法所稱凡法官須經考試二次合格始准任用之條亦尙符合臣等公同商酌擬請將 廷試合格之法政科畢業生如就法官准其併免第二次考試以示優異如蒙 俞

允即由法部欽遵辦理所有酌擬 廷試法政科各生改就法官辦法緣由謹恭摺會陳伏乞 皇上聖鑒謹 奏宣統三年四月二十九日奉 旨依議欽此

法部會奏遵議發遣官犯改發巴藏章程摺

奏爲遵議官犯發遣改發巴藏章程謹繕清單恭摺仰祈

聖鑒事宣統三年二月初

七日准會議政務處片稱議覆川督趙爾巽等奏發遣官犯改發巴藏効力一片於二月初六日具奏欽奉 諭旨著依議欽此欽遵並刷印原奏片行到部查原奏內稱據該

督等片稱巴藏經營伊始一切查勘路線安設電桿招民屯墾設台轉輸需人差遣若悉由內地調用極邊苦寒非人情所樂從即經費所需亦難籌措歷來臣工獲罪非在不赦

均蒙 恩發遣軍台新疆等處効力贖罪並准援例捐贖今巴藏邊苦逾於新疆可否

准予嗣後凡應發遣新疆軍台人員准其一律改發巴藏効力贖罪其已發在途者亦准就近呈請地方官請咨改發其有願捐贖者亦准援新疆軍台贖罪例就近繳由川省捐贖留充巴藏經費等語查刑律發遣一項本於明罰勅法之中寓徙民實邊之意巴藏既經設治所有從前應行發遣新疆軍台人員自可援例一體發遣其例准捐贖者並准照例辦理擬如所奏請 旨飭下法部詳議章程通行遵辦等語臣等查官犯發遣之例

情罪各有重輕職官捐贖之條今昔本形歧異茲據川督等請將軍台新疆官犯一律改發巴藏係統舉各項官犯而言其所稱援例捐贖亦係指捐贖舊例而言自去歲頒定現行刑律凡官犯遣發捐贖之法均已變更則修訂此項章程亦有不能不互相參酌略予變通之處謹爲我 皇上縷晰陳之一軍台新疆効力人員改發巴藏宜分別辦理也

查現行例載凡文武官犯徒罪者依應徒年限奏請發往軍台効力贖罪應流遣者奏請發往新疆効力贖罪等語尋釋例意係以軍台新疆道里之遠近爲官犯徒流遣罪之等

差今擬將應發新疆之員改發巴藏以道里遠近論情罪尙不甚懸殊至發往軍台之員向均解部轉發計自京師至張家口僅四百三十里又六十里至察漢托羅台爲第一台由一台至二十九台約計不過一千七百餘里較之西藏遠近相差幾及萬里而遙且查川西新設之康定府巴安府等處地勢已高出成都七百餘丈川藏之交諸土司境又高出康定府四五百丈不等前藏稱是後藏又高出前藏百丈上下地形高仰山勢巉陡深林密箐行旅裹足比之軍台險夷不可同日而語若以發往軍台人員與新疆官犯一律改發罪異罰同似不足以別輕重而昭平允擬請分別辦理凡應發遣新疆官犯均改發巴藏効力贖罪已發在途者亦准就近呈請地方官請咨改發至應發軍台官犯如係侵貪之案亦一律改發外省即由犯事地方派員解往毋庸解部庶與邊徼需才之意不相違悖若並無侵貪情事者仍照例發往軍台以示區別一改發巴藏人員効力年限宜各從本法也查現行例載發遣新疆効力廢員由該省巡撫酌量差使十年期滿原犯係流置等罪加重改發者該撫即奏請釋回由本罪發往者再行留戍五年又文武員弁犯五

徒及總徒四年准徒五年者均發軍台効力其年限以應徒之年爲斷限滿即行釋放如係侵貪之案仍令完繳台費限滿後奏請釋回其無力完繳者於應徒年滿之役奏明再行留台三年限滿即行釋放等語今發遣巴藏廢員雖同一改發而其軍台新疆本罪原各不同其効力年限應仍按照現行例各視其徒流安置發遣本罪辦理庶與原定罪名仍無出入一軍台改發巴藏人員應繳台費宜酌減也查中樞政考載發往軍台効力廢員自一台起至十台止每月繳台費四十三兩自十一台起至二十九台止每月繳台費銀三十三兩台之遠近不同費亦互異康巴改發事屬創始由康定府至巴安府計一千二百五十五里其中幅員寥闊塘舖遠近核與軍台分設各台者情形不同自未便強爲比附况巴藏道遠艱苦百倍於軍台若仍一律照舊繳費殊非因地制宜之意擬請酌量核減嗣後軍台改發巴藏官犯其應繳台費即按照中樞政考十一台至二十九台每月台費三十三兩銀數酌減十分之五庶於嚴懲墨吏之中仍寓體恤罪臣之意一効力人員捐贖銀數宜改照現行例也查軍台廢員贖罪及遣罪捐贖舊章銀數甚鉅同光以來

疊經更改然均與現行律辦法不符按現行律載京外職官犯徒流以上除詐僞犯姦略誘和誘及常赦所不原外准其捐贖徒一年三品以上官捐銀一千兩四品官捐銀五百兩五六品官捐銀四百兩七品以下捐銀三百兩每徒一等三品以上官加銀二百五十兩四品官加銀一百二十五兩五六品官加銀一百兩七品以下加銀六十五兩由徒入流三品以上者以五百兩爲一等滿流贖銀三千五百兩四品官以二百兩爲一等滿流贖銀一千六百兩五六品官以一百五十兩爲一等滿流贖銀一千二百五十兩七品以下以八十兩爲一等滿流贖銀八百兩係照乾隆年間通行營田運糧捐例酌量減輕該督等原奏既稱例准捐贖者並准照例辦理則此後改發巴藏各犯贖罪銀數自應按照現行律所定銀數捐贖不得仍援從前贖罪舊章致涉歧異再官員發遣新疆有由流置加重發往者有本罪應發新疆者是以現行例內載明如原犯已至外遣由本罪發往者再行留戍五年意在與流置加重發遣者有別惟捐贖例內則言遣置各照滿流捐贖是實發之年限顯有區分而捐贖之銀數仍無區別似亦未得其平擬請由外遣本罪改發